

1. 2. 23 275
DISPUTATIO POLITICA 85

DE

SUBIECTIONE
ET IMPERIO.

Q V A M

D. O. M. A. B. K. 10

SUB PRAESIDIO

Clarissimi & excellentissimi viri

HERMANNI CONRINGII,

Med: doctorandi, naturalis Philosophiae

Professoris publici, & Praeceptoris sui

ætatem honorandi.

Postrid. Cal. April.

IN MAGNO AUDITORIO

Publicè defendet

ERNESTVS CONERDING

Schaumb.



HELMESTADII

Typis IACOBI LVCII,

clō lōc xxxv.

2 VBICTIOE
ET IMPERIO


HERMANI CONRADI

ERNESTVS CONRADING

Schönberg



ERNESTVS CONRADING
SCHÖNBERG
1844



86

THESIS I.

Pincipio quid subjectio atq; imperium denotet, videndum est. Atque subijci quidem nobis est, teneri alterius superioris arbitrio. Imperare vero, suo arbitratu alterius hominis actiones dirigere. Caterum ut hoc planum est, ita merito possit dubitari justum ne sit, ut homo homini pareat atque obsequatur? neque desunt enim qui omnem partitionem injustitiæ accusant, adeoque ab hominibus violenter contra omne jus atque fas introductam arbitrantur.

II. Atverò Aristotelem quod attinet, iste sanè etiam servitutem quandam, quæ est ultimum genus subjectiōnis, naturalem appellat. ideoque servitus illi distinguitur in naturalem & legalem, hoc est, eam quæ ex arbitratu & hominum consuetudine dependet. Multo magis igitur concesserit etiam non omnem obedientiam contra naturalem libertatem hominum pugnare. Sed à nobis idem etiam rationibus ostendendum erit.

III. Partitionem autem ex jure naturæ prodire evidens est: nam imperare & parere post lapsum hominis non modo necessarium sed & utile fuit. Nihil enim humana societati perniciosius est anarchia, quæ diu consistere nequit, ubi unusquisque omnia nefaria pro de prævata sua natura agit, atque perpetrare sustinet.

IV. Deinde, quod indoli & naturæ cujusq; convenit, id non potest non naturale esse. Iam experientia constat,

99
Aristot. l. 1.
polit. c. 3.

stat, duo hominum genera ubiq; inveniri, quorum alia ad parendum sunt nata, alia ad dominandum. alios prae-
rea homines magis animi dotibus natura instruxit, &
providâ solertiâ; alios verò tam stupido produxit inge-
nio, ut nihil fere differant à brutis animantibus quàm for-
mâ hominis.

V. Nasci autem quosdam usq; adeo impotentis ani-
mi, ut nec suis commodis prospicere, nec in longitudinem
consulere possint indigentes ad conservandam omnem
vitam consilij alieni, unusquisque in mediâ plebe & mani-
pulis rusticorum advertit: neque enim fere quisquam ex
infimâ vulgi plebe victum sibi parandi copiam habet, nisi
pareat, & ex quotidiano labore vivat.

Arist. ibi-
dem.

VI. Omnibus etiam rebus, quæ partibus constant si-
ve conjunctis live disjunctis, inesse videtur id quod impe-
rat & quod paret. neq; vero id tantum conspicitur in ani-
matis, sed etiam in inanimatis: nam in his imperium quod-
dam est, tanquam harmonia, quæ consistit in respectu ma-
teriæ & formæ, ut, in tabulis pictis atq; ædificijs, in quibus
forma veluti dominatur, materiâ pareat.

Aristot. l. 1.
polit. c. 3.

VII. Idem quoque illud in animali apparet, in quo
anima imperat, corpus verò obtemperet. In homine etiam
videre est herile imperium & civile. Anima enim cor-
pori herili imperio dominatur, mens autem appetitui ci-
vili & regio. Quod si secus fieret tum sanè ipsa natura
inverteretur & tam animæ quàm corpori perniciosum
esset.

Arist. ibi-
dem.

VIII. Porro inter ipsa animantia imperium & paritio
conspicitur: Nam homo brutis imperat omnibus, quæ ta-
men mansuetudine & feritate inter se discernuntur: &
mansueta feris meliora sunt, homo verò utrisque imperat,
quia naturâ utrisq; melior atq; præstantior est.

IX. Præte-

IX. Præterea in quolibet genere animalium sexus masculus natura præstat foemineo, unde etiam masculus foemineo imperare videtur. Ipsa quoque natura servilia ingenia à liberis differre voluit: his enim dedit corpora erecta ad vitam civilem idonea, & ad servilia munia obcunda inepta. Illis verò quoniam non multum distant à brutis animantibus tribuit corpora jumentorum similia, prona, quadrata, ut servitia à dominis imposita rectè exequi possint.

X. Ulterius naturale dominium iustum rectumque esse inde probatur. Nam hominis natura est, ut secundum rationem vivat, eique obtemperet: ergo, sicut perfectio appetitus sensitivi in homine est, rationi parere: ita & inter homines perfectio agrestium scientiarumque rudium est sapientiori obedire.

XI. Sicut porro homo ad ea quæ agenda sunt libera electione & ex proprio consilio movetur, ita etiam ad hoc, ut superioribus pareat proprio consilio impelli debet: id quod non fit sine obsequio.

XII. Denique quemadmodum in naturalibus rebus inferiora moventur a superioribus ex ordine naturæ, sic etiam hebetiores à præstantioribus per rationem regi debent.

XIII. Non omnem igitur paritionem esse injustam hinc liquet. Potest hinc etiam idem de ipsa servili subiectione ostendi. Intelligimus autem servitutis vocabulo: quando homines tam animo quam corpore alterius voluntati atque imperio subordinantur. Isque naturæ servus dicitur, qui naturæ suæ non est, seque ipsum regere nequit, sed totus alterius est: quique melioris ductu atque imperio tanquam adminiculo opus habet.

94
XIV. Reperiri autem hujusmodi homines nimis evidens est quam ut in dubium possit vocari. Ut enim, supra etiam diximus, quidam siue naturæ siue educationis siue alioquin consuetudinis vitio ita sunt projecti & corrupti ingenij, ut non possint non pessimè vivere si ex proprijs arbitrato vivere concedatur.

XV. Præterea ipsa natura etiam creat quosdam corpore quidem ad labores aptissimo, animi tamen viribus aut raris aut nullis. At hoc profecto indicium est satis manifestum, velle quodammodo naturam ut hujusmodi homines laborent corpore & animo prudentibus obsequantur: quo est, servum generare.

XVI. Neque verò tantum pauci quidam hoc sunt modo affecti, sed interdum integri populi isthoc vitio laborant. Ita sanè de omnibus olim barbaris judicaverant Græci, de Americanis item Hispani quidam quos acerrime defendere non dubitavit doctus vir Ioannes Sepulveda. Cæterum hi fortassis male censuerunt, integras tamen gentes ferinis hodieque moribus degere notum est ex ijs qui terræ ambitus descripserunt.

XVII. Verùm hæc naturalis potestas in servos, non latius sese extendit, quam ipsa natura præscribit. Nam cum natura postulet, ut hebetiores sua sponte alterius imperio qui mente præstat, sese subiciant, non primario quidem ad utilitatem & commodum domini, sed ut in ipsorummet proprium bonum à sapientiore regantur. Ideoque naturâ dominus non potest naturâ servis uti, ut mancipijs & proprijs suis rebus in suum solummodo commodum; sed potius in ipsorum utilitatem & conservationem, nimirum eos docendo moribusque instituendo. *Domin. Soto l. 4. de justit. & jure q. 2. art. 2.*

XIIX. Qua-

Aristot. l. 1.
polit. c. 1.
Euripides
in Iphigenia
Josephus
Æcolia in
præfat. 3.
lib. de Pro
mulg. Eu
angelij a
pud Indos

XVIII. Quapropter non tenentur illi dominis suis
 servire ut mancipia, sed æquitate quadam & honestate na-
 turali ijs vicissim pro alimentis, alijsque quas à dominis
 accipiunt, utilitatibus, debent honorem, observantiam,
 obedientiam, obsequia, & omnia servitia, prout ea, cedunt
 in commodum & emolumentum dominorum.

XIX. Neq; dubium est, quin homines ad parendum
 natos, si omnium gentium jura violant, & beluarum ritu
 hac & illæ palantes oberrant vi cogere, ijsque bellum in-
 ferre possimus. (modo majus malum evitetur,) ut ab illa
 feritate desistant, seque prudentioribus regendos tradant.
 Tantum de naturali servitute.

Dominus
 Soto lib. 4.
 de justit. &
 jure q. 2.
 art. 1.

XX. Aliapræterea est servitus quam Aristoteles l. 1.
Fol. cap. 4. legalem vocat. Cujus ratione servi id quod
 sunt dominorum sunt ad operas & utilitates, quæ ex eis
 percipi possunt. Ethujusmodi homines servi dicti sunt
 à servando, eo, quod ab imperatoribus, quum justè inter-
 fici possent, conservantur, mutata eorum morte in perpe-
 tuam servitutem.

§. 3. Instit.
 de jure
 Persona.

XXI. Ista autem servitns multum differt à naturali:
 hæc enim non includit ea omnia, quæ nomen servitutis
 naturalis dicit; ut ex præcedentibus perspicuum est. Ser-
 vus enim bello captus quia liber non est, quicquid est do-
 mini est; neque dominus eo utitur in bonum ipsius servi
 primario, sed ad suam propriam utilitatem sicut ju-
 mento.

Dominus
 Soto l. 4.
 de justit. &
 jure q. 3.
 art. 2.

XXII. De hac servitute varia est eruditorum viro-
 rum sententia: alij namque eam planè iniquam esse affir-
 mant; cum iniquū sit ut ijs deferatur imperium qui viribus
 tantum sunt superiores; inferiores verò pareant, cum vim
 repellere nequeant: alij contrarium omnino statuunt, id-
 que duplici ratione probare conantur,

Arist. lib.
 1. Polit. c. 4.

Primò

XXIII. Primum enim virtutem cum vi maximam cognationem habere ajunt, quæ si copiosè instructa est, egregiam vim inferre potest. Iam in confesso est, victores non tam vi quam virtute hostes superare, ideoque potentioribus jure meritoque imperium deberi manifestum esse. Deinde qui vincit, is semper illustri aliquo bono excellit, bonum verò nihil differt à virtute, quare victores & vi & virtute superatis justè imperare videntur. Virtuti autem imperium deberi extra dubium est.

XXIV. Aristoteles tamen hanc servitutem ex parte tantummodo justam esse asserit, quatenus videlicet est legitima: Lex enim omnis quodammodo justa est, quia utilitatem spectat eorum quorum gratia fertur. In hac autem servitute maxima perspicitur utilitas, quoniam iij. conferuntur quos alioquin victor occidisset.

XXV. Ex parte verò eandem quoque iniquam esse idem judicat, quum accidere possit, ut bellum sit injustum, unde sequitur servitutem inde ortam eadem ratione iniquam esse. Deinde quia multi indigni ob virtutem & animi præstantiam hac ratione servire coguntur. In omni enim bello non tantum ignavi, sed & fortes vincuntur, qui non tantum ejusmodi servi fiunt, sed ex alia in aliam facillime prolabantur servitutem.

XXVI. Verum enim verò & hanc servitutis speciem & alias justas esse, dummodo legitimi adsint tituli, satis manifestum est, tum ex communi omnium fere hominum consensu, tum ex ipsis sacris literis, ubi servi diligentissime admonentur ne sese dominis suis subtrahant, sed eos debito honore prosequantur, ijsque liberalitè serviant. 1. *Thim. VI. 1. 2. 3. 4.* 1. *Corinth. VII. 21.* item *Ephef. VI. 1. Coloss. III. 22.*

XXVII. Nec statuendum est, servitutem absolute
contra

contra naturam esse, ut dici videtur *l. libertas D. de statu hominum & §. Servitus Instit: de jure Person:* quod servitus de jure gentium sit: quā quis dominio alieno contra naturam subijcitur, unde colligunt quidam servitutem illicitam esse, utpote contra jus naturæ.

XXVIII. Verum dicendum est, bifariam aliquid naturam intendere. Vno modo secundum intentionem primam, quemadmodum generationem intendit corruptibilis naturæ conservatricem: altero modo, quo ad secundam intentionem, quo pacto corruptionem intendit ut generet. Simili ratione, servitus contra naturam esse dicitur nempe contra primam naturæ intentionem, quā cupit omnes homines secundum rationem virtuosos & sui juris esse: Attamen illa deficiente intentione, ex culpa subsecuta est pœna, quæ est conformis naturæ corruptæ. Atq; inter pœnarum genera unum est legalis servitus. Nam ex peccato originali subsequuta est egestas & bellorum turba, quæ homines in servitutem adigunt. *Domin: Soto de justis: & jure l. 4. q. 2. art. 2. Lud. Molin: de just: tract. 2. disput. 32. num. 7.*

XXIX. Quemadmodum etiam contra naturam non peccat magistratus, licet naturæ vim inferat dum fontes punit; ita nec alius dum in servitutem adducit eos qui iniquum bellum vel movent vel moventes adjuvant.

XXX. Præterea servitus hæc à summa misericordia profecta videtur, quæque obeam causam jure gentium introducta est, ut victores multis commodis & utilitatibus moti à summo rigore lubenti animo abstineant, quo captos & statim & post moram jure interficere possunt. Qui enim bellum gerunt victoriam & pacem difficulter consequi possunt, nisi ex adversa parte pugnantes è medio tollant.

Hugo Grōtius de jure belli ac pacis l. 2. c. 7. n. 5.

XXXI. Neque dubium est, quin ij qui hostili animo contra repub. veniunt, vitam quam alijs injustè ereptum eunt procul dubio perdiderint. Quod si vitam multo magis libertatem. Nisi etiam milites, qui corpus & vitam stipendio vendiderunt servitutis vinculo post victoriam coercerentur, tum sanè de novo bellum redintegrarent & victori victoriam iterum erepturi viderentur.

XXXII. Non tantum verò milites acriter pugnantes jure gentium pro servis habentur, sed & omnes eorum liberi & posterii innocentes bello justo capti jure meritoque servituti subijciuntur, etiamsi ejusmodi homines minime sint interficiendi.

XXXIII. Non est verò etiam illud abs ratione: quoniam tota republica reputatur hostis si effectum videas, ut tota puniri possit in membris suis quo ad bona fortunæ: quare cum libertas inter fortunæ bona computetur, consequens est, ut, quemadmodum tota, etiam in membris innocentibus spoliari potest bonis externis, sic tota subijci possit servituti, quando tanta est culpa, ut terris & alijs bonis spoliari mereatur.

XXXIV. Sed nec illud iniquum est, ut ex captivis postmodum nati servilis sint conditionis. Nam si captives parentes statim interficerent, tum ij quoque non existerent aut nascerentur. Sicut etiam ex naturali ratione servitus captivorum prodit: ita & hæc altera species eorum, qui ex captis & in servitutem damnatis nascuntur, quoniam naturali ratione partus sequitur parentes. Nefas enim est, ut effectus superet causam suam, quia in effectum nihil est, quod non pendeat à causa, & proinde deterior quidem effectus naturaliter potest esse, quàm causa, sed non melior.

XXXV. Non solum autem jure belli fieri queunt servi.

Ludov.
Molin. de
just. trad.
2. dispus.
120.

Ludovic.
Molin.
ibidem.

Hug. Grot.
de jur bel.
li a. pac. l.
3. c. 7. n. 5.
& c. 14. n. 3.

90
servi, sed & ex delicto quodam ad servitutem damnantur ab eo, qui poenae exigendae potestatem habet; quando delictum tantâ poenâ dignum perpetrarunt, ut ob id morte affici possent. Nulla enim ijs fit injuria, dum gravior poena mortis mutatur in minorem; perinde ut diximus de captis quos servitus à morte praeservat.

XXXVI. Alius porro est modus quo homines justè servituti subjiciuntur: si nimirum sese liberè vendant ex inopia, alimentorum & alijs rebus ad vitam necessarijs. Idque jure fieri potest: sicut enim homo suorum externorum bonorum, proprijque honoris & famae dominus est, ita etiam libertatis suae, quam jure naturali alienare potest.

Domin.
Soto l. 4.
de just &
iure q. 1.
art. 2.

XXXVII. Hanc servitutem sacrae litterae approbare videntur: legitur enim Exodi xx. 1. 2. *Si emeris Hebraeum, sex annis serviet tibi, in septimo autem egrediatur liber.* Et Levit: xxv. 39. *Si paupertate compulsus vendiderit se tibi frater tuus, non opprimes eum servitute famulorum, & infra: Servus & ancilla qui in circuitu vestro sunt (hoc est ex gentilibus) hos habebitis famulos & hereditatis jure transmittetis ad posteros, ac possidebitis in aeternum.*

XXXIX. Præterea non tantum quisque se ipsum hoc modo in servitutem dare potest, sed parentes etiam liberos una secum in servitutem addicere non prohibentur, quando videlicet ijs non suppetit unde eos alant atque sustentent. Et hoc jus originem ducit ex ipsa necessitate, sine qua liberos servituti tradere nefas est.

Hug. Grot.
de jure bel
li ac pac. l.
2. c. 5. n. 29.

XXXIX. Constat igitur tam divino veteris & novi testamenti jure, quam legibus omnium gentium naturæ principijs conformatarum, has species servitutis justas esse, quas idcirco oportet naturali rationi consentaneas videri, quia nec omnes gentes præsumuntur ex æquo natu-

ram ejurasse; nec jus divinum summam hominibus injuriam pro lege obtrudet.

XL. Quamvis verò dominus absolutam habeat potestatem in servum, & servus, quicquid sit, domini sit, & proinde domino acquirat, ei que vitam ac sanguinem debeat. (*Possessionis enim pars est, rebusq; mobilibus annumeratur, teste Aristotele l. 1. Polit. c. 3. quibus unusquisq; uti & abuti potest; præsertim quum in eo dominium consistat*)

XLI. Nihilominus tamen æquitas postulat, ut à summo rigore paululum decedant, neque supra modum sæviant, ut olim in usu fuit, non enim id omne naturalis ratio fieri sinit, quod jure quarundam gentium impunè fit in servum. Vnde lex Hebræa, eum qui inopiâ coactus se vendidit mercenario exæquat Levit. xxv, 2. Et Apostolus Paulus hunc in modum alloquitur dominos: *Domini, inquit jus & quod æquum est servis præstare; quati vobis quoque dominum esse in cælo, Coloss. iv. Item Ephes. iv, 9. adhortatur dominos ne minaciter cum servo agant; propter eandem rationem, quod ipsi etiã in cælo dominum habeant apud quem nullus est respectus personarum.*

XLII. Seneca quoque l. 1. de clement. c. 18. *Servis, inquit, imperare moderatè laus est; & in mancipio cogitandum est, non quantum illud impunè pati possit, sed quantum tibi permittat æqui bonique natura: qua parcere etiã captivis & præcis paratis jubet.*

XLIII. Nec dominium in servos tam amplum tribuitur dominis, quàm in bruta animantia, quæ pro suo jure interficere atq; mutilare possunt. Tanta quidem potestas domini olim in servile corpus fuit, ut sine more & modestia in id impunè sævire posset, non solum flagris & loris cædendo & scindendo quamvis innocentes, verum etiã occidendo. Quod & Seneca testatur lib. 5. de clement.

ment c. 18: dicens *Vedium Pollionem servos suos muranis devo-*
randos obijcere consuevisse.

XLIV. Quoniam autem servitus à misericordia profecta est, ut miserorum hominum temporalis mors in perpetuam commutetur servitutem: itaque jus vitæ ac necis arbitrarium in servum domino non competit, neq; de eo supplicium sumere potest. Quod Cato Censorius egregie observavit, narrante Plutarcho; is enim de nullo servo supplicium sumpsit, qui capital admisisse videbatur, nisi condemnatus etiam esset. conservorum iudicio.

XLV. Si insuper nemini privato in civitate viventi hominem Reipub. nocentem occidere licet, nisi publica interveniat autoritas: multo minus dominus servum suum sine causa occidere poterit. Quod si servum suum interfecerit, tanquam homicida puniendus est, non secus ac alium interfecisset; quod confirmari potest ex illo Exod. xxi, 20. ubi dicitur: *quum percusseris quispiam servum suum vel ancillam suam bacillo, & mortuus fuerit sub manu ejus, vindicando vindicabitur.* nèque deest ratio: servo enim quasi fides data est de vitæ incolumitate à domino suo, ideoque novum nisi delictum accesserit impium fuerit illum occidere.

Thomas
Aquin 2. 2.
q. 64. art. 3.
§. 2. In his
de his qui
sui vel de
licet.

XLVI. Porro quod dictum est de servorum interfectione, idem quoq; sentiendum est de mutilatione. Membra enim sunt partes vitæ à quibus fere tota dependet, quæq; ad conversationem totius corporis faciunt. Itaque nemo ob improbitatem & delicta à quoquam in civitate, nisi à publica persona mutilandus est. Quod si quisquam id ausus fuerit is lege Hebræa tenetur ut eadem vicissim patiatur Exod: xxi. 2. *Oculum pro oculo, dentem pro dente, manum pro manu, pedem pro pede.*

Thom. A.
quin. 2. 2. q.
65. art. 2.

Thom. A.
quin. 4. 2.
q. 67, art. 2.

XLVII. Verbera verò servis à dominis infligi possunt pro gravitate delicti, modo aequitas & clementia adhibeatur. Verbera enim minus malum sunt mutilatione, quippe hæc membri integritatem tollit, illa verò sensum tantummodo dolore afficiunt. nec alia de causa servos verberare domino licet, nisi, quatenus sunt emendandi & ad servitia præstanda coercendi. ejusmodi autem verberatio modum ne excedat, aut nimis atrox sit. Quare Paulus Ephes. vi. *Vos, inquit, patres nolite ad iracundiam provocare filios vestros: & vos domini eadem facite servis remittentes minas.* Vbi tam parentes quam domini admonentur tum ne minis acerbis suos exterritent, tum præcipue ut dum bile correpti acerbamini, non se ad ea præstanda obligatos arbitrentur: sed potius quæ perturbato animo comminanti sunt, sedato post condonent.

Domin.
Soto l. 5 de
just. & iur.
q. 2, art. 2.

XLIX. Dixi supra servos teneri dominis omnes operas præstare: per quas non intelligo illicitas, sed eas dumtaxat, quæ honeste fieri possunt, quæque rectæ rationi non repugnant. Eæ verò servis ita imponendæ sunt, ne valetudini & corpori eorum noceant. Quod etiam lex Hebræa respexit in institutione Sabbati, nimirum ut laboribus aliqua daretur requies *Exod. XX, 10. & XXII, 12.* Isq; iustissimus mancipiorum usus est, ut nec præ labore deficiant, nec peregestatem impares sint ferendo.

Hugo Gro-
tius de ju-
re belli ac
pacis l. 3 c.
14. num. 5
Theano in
epistola.

Lab. Mol.
tract. 2. de
just. disp.
38.

XLIX. Quare si domini vel vitam vel membrum at-
liquod servis eripiant, vel immoderatis laboribus, inedia,
nuditate vel injusto supplicio, & quæcumque ratione quæ
justam coercitionem dominorum in servos excedit, eos
afficiant, tum sanè gravissimè peccant, & si injuria con-
currentibus circumstantiis notabilis fuerit, obligantur i-
psis mancipijs ad restitutionem damnorum, aut hæredi-
bus eorum, puniriq; debent à magistratu, ne miseri homi-
nes

92
nes omni subsidio careant in damnis & injurijs quibus à dominis injustè afficiuntur.

L. Præterea licet servi ex more quicquid acquirunt domino acquirant: in quibusdam tamen casibus sibi ipsi acquirunt, verumq; dominium comparant. Si nimirum domini cum servis paciscantur, ut quotidie vel singulis hebdomadibus, mensibus, vel annis certum quid eis solvant, reliquum verò de suis laboribus atque lucris sibi reservent. Neque obstat quod inter dominum & servum, quatenus servus est, neq; amicitia neq; justitia intercedat, ea tamen ratione qua homo est, utrumque esse potest *Arist. l. 8. Ethic. c. 11.* Quo fit ut tunc contractui stare teneantur, neque usurpare possint, quæ sibi servi eo modo comparantur.

Lud. Mol.
ibidem.

LI. Deinde si Dominus expressè quid donet servo suo, velitque eum tanquam suum habere; sive ex alterius donatione, sive ex ludo, aut quacunque alia ratione, tum servus id sibi soli acquirit. Aut quando servo à domino vel alio quopiam aliquid restituitur pro damno aut injuria sibi illata, in ijs quæ domini potestati non subjacent. causa est: quoniam omne donum fit alterius, quod autem in alterius est potestate, non licet jure eripere: est autem in potestate domini etiam manumittere servum, multo magis illi aliquid donare.

LII. Si porro servo quid sit donatum aut relictum expressa conditione adjecta, ut servi tantum sit, neq; quicquam ad dominum perveniat, tum sanè id ad dominum nulla ratione pertinere potest: quandoquidem unusquisque de bonis suis disponere potest ut voluerit, imponereque illis potest conditionem, ne ad hunc vel illum deveniant. Denique servus sibi acquirit, quando bonis suis

Lud. Mol.

quo-

quorum dominus est aliquid lucratur, sine ullo præjudicio obsequiorum, quæ domino præstare debet.

Dominus
Soro Lu-
dov. Mo-
lin. Hugo
Grotius de
jure belli
ac pacis.

LIII. Porro omnes servi qui se ipsos vendiderunt aut ab alijs legitimè venditi sunt, quique ex matre serva nati sunt licitè fugere nequeunt, & tenentur, si sese domino subtraxerint se ipsos restituere, nec non omnia damna domini ex eorum fuga contracta. Nihil enim æquius est, quàm ut pro pretio & alimentorum præbitione tam diu serviant donec tandundem refundant dominis, quantum in eos impenderunt.

Lud. Mo-
lin. tract.
2. de iustit.
disput. 37.

LIV. Idem quoque statuendum est de ijs qui in pœnam delicti justè in perpetuam servitutem sunt redacti. Etenim sicut iusto exilio damnati per se ipsos eam pœnam exequi ac implere tenentur: sic etiam qui ob delictum servitutem sunt justè mulctati, fugere è servitute non possunt, sed in ea qua sunt conditione permanere tenentur, eo ipso quod per sententiam iudicis justè libertatem amiserunt.

LV. De servis autem iusto bello captis quidam ambigunt atque statuunt eos licitè & sine injuria dominorum fugam capessere posse. Quod Dominicus Soto etiam asserere videtur lib. 4. de iustit. & iur. q. 2. art. 2. Inquit enim, illi qui se inopia pressi servituti manciparunt, quia liberè se pretio vendiderunt, fugere jure nequeunt: servos autem captos non audeam in has cogere angustias. Verius tamen est, fas non esse, ut servus iusto bello captus fugiat, quoniam jure gentium operas suas nomine eorum pro quibus acriter pugnavit, debet.

Hugo Grotius
de jure belli
ac pacis
lib. 1. c. 14.
n. 7.

Lud. Mo-
lin. tract. 2.
de iust. di-
sp. 37.

LVI. Ac sanè consuetudine est receptissimum servos fugientes tum maximè puniri, quando deprehenduntur in ipsa fuga, quocumque etiam titulo in servitutem justè sint redacti. Quod si nefas esset punire servos iusto bello

bello captos & ad suos fugientes, inutilis admodum red-
deretur ejusmodi servitus. Quotidie enim servi fugam arri-
perent ad suos, scientes se nec peccare, nec pro fuga punien-
dos: unde plus domini infumerent in eis quærendis & ite-
rum asportandis, quàm esset eorum obsequium, usus &
valor.

LVII. Esset præterea ejusmodi servitus dominis mul-
torum peccatorum occasio; neq; enim continere se possent,
quin servostories ad suos fugam arripientes, eoq; tot dam-
na ipsis inferentes, punirent. Quare potius juste interfi-
cerent in bello hostes, quam ad tale servitutis genus eos
asportarent: quod in ipsorummet servorum detrimentum
redundaret. *Lyden. Molin. tract. 2. de just. disp. 37.*

LII X. Atque hætenus quidem dictum est de herili
imperio & servitute, nunc fortassis operæ pretium fuerit
de potestate viri in uxorem differere, quoniam omnes gen-
tes talem aliquam potestatem agnoscunt. Est autem vir
suaapte natura, rector uxoris suæ: quandoquidem is natura-
liter præstantia corporis, ingenij ac animi dotibus uxorem
superat. Quod si forsan fœminis aliquando majorem, in-
genij vim, majoremque prudentiam concessam esse vide-
amus: id sanè non secundum, sed præter naturam; & errore
quodam fieri certum est.

Aristot. de
polit. c. 2.

LIX. Quapropter etiam vir non fuit conditus propter
mulierem, sed è contrario mulier propter virum, ut adjuto-
rium haberet tum ad generationem & educationem libe-
rorum, tum ad alia facientia ad totius familiæ conservatio-
nem. Quodevidentiissimè colligi potest ex *Gen. II. 18.*

LX. Et Paulus *1. Cor. XI. Caput, inquit, mulieris vir est, &
vir non ex muliere est, sed mulier ex viro.* item Petrus mulieres
admonet, ut *viris obedientiam præsent, cum hi illarum capita
sint 1. Epist. III.* Quo fit ut uxores tam jure divino quàm na-

turali imperio maritorum subiciantur, præsertim quum & ipse autor conjugij id ipsum ita ex voluntate sua ordinaverit. Propterea etiam, natura eas ad omnia imbecilliores viris fecit, ut imbecillitatis suæ memores essent. postulat enim natura ut inferiores superioribus pareant.

Cæsar l. 6.
de bello
Gallico :

LXI. Hæc verò potestas adeo apud quasdam gentes excrevit, ut maritus jus vitæ ac necis in uxorem habuerit, eamq; levissima de causa sine magistratus cognitione potuerit interficere. In humanum tamen est ea conditione innocentes mulieres esse, atq; eas à viris pro libitu tractari; cum uxores sint pars mariti: in propriam autem carnem sævire aut manus inferre naturali jure minimè cuiquam licet; estq; propria vindicta tam jure divino quàm humana omninò prohibita. Ideoq; ut patria potestas non in crudelitate consistit, sed in pietate: ita etiam potestas mariti in uxorem in paterna castigatione, non in atrocitate & capitali supplicio.

l. 13 D de
leg. Aquil.

Lud. Mol.
tract 2. de
just. disp.
92.

LXII. Interea tamen non est negandum, quin vir potestatem habeat in uxorem cum vi quadam, ut loquuntur, coerciva, quæ futura non fuisset, si nullum irrepisset peccatū, eò quòd in statu innocentia non necessaria esset, sed sufficeret sola vis directrix. Hoc verò jure viros minimè decet abuti, sed omnia quæq; prius experiantur oportet, antequàm minus benignè uxores tractent. Quod si verò earum petulantia molliori admonitione reprimi nequeat, & gravissima urgeat necessitas, non dubium est, quin à viris gravius in eas animadverti queat. *Domin. Soto l. 5. de Inst. & Jure. q. 2. art. 2.*

LXIII. Etiam si verò certum sit mulierem jure naturali viro parere; attamen eodem loco non est habenda quo ancilla, ut barbari volunt, teste *Arist. 7. Polit. c. 1.* Omnino enim differunt scœmina & ancilla, quia hæc instrumentum est conservationis, illa verò procreationis liberorum. Nec
tan-

tantum obedientiæ mulieri viro præstare tenetur, quantum Lud. Mol.
ibidem.
filij parentibus, qui eò plus observantiæ & subjectionis debent, quo plus à parentibus acceperunt, longeque uxore inferiores sunt. 94

LXIV. Neq; uxori imperium in res domesticas, liberos & servos denegandum est, sed ei divisum sit oportet imperium cum marito, modo ipsa ejus rationem habeat tanquam superioris in ordinandis rebus domesticis. Maritus enim foris laboret, uxor verò labore parva tueatur domi. Recteq; *Arist. l. 8. Eth. c. 10.* hoc imperium comparat Aristocratix, pro dignitate enim & tanquam præstantior vir imperat. vera autem erit aristocratia quoties quæ viro conveniunt, sibi vir tribuit: sicut etiam foemina quæ foeminis. Quicquid verò juris ultra in uxorem aut bona ejus maritus habet illud non à natura, sed ab humano est instituto.

LXV. De jure mariti in uxorem naturaliter ei concessio disseruimus; consequens jam est, ut quæ naturalis potestas parentum in liberos sit dicamus. Eam *Arist. l. 8. Ethic. c. II. & l. 1. Pol. c. ult.* regiam esse dicit; tum ob benevolentiam, tum ob ætatem, quæ duo maximè in rege requiruntur. Benevolentia quippe efficit, ut bene suis esse velit: Atas, ut de suis sit sollicitus, & quod proprium est provectæ ætatis, ut prudentia instructus sit, quæ futura in longum prospicit. Cum itaque utrumq; in parentibus reperiatur, evidens est patriam potestatem maximè convenire cum regia.

LXVI. Perspicuum verò est hanc potestatem originem ducere ex natura ipsa. Natura enim dominatur senior juniori, perfectum imperfecto, totum parti, & id quod beneficium accipit, inferius est eo, quod confert. Parentes verò sunt liberis post Deum vitæ auctores, quibus alimenta educationem & omnia debent. Proinde dubium non est, quin merito parentibus imperium in liberos debeatur. Et

cetum est si modo quis sensa animi exprimere velle, unum-
quemque aliquas scintillas reverentiæ erga parentes à natu-
ra habere. Sicut etiam naturæ auctori à quo vitam & omnia
bona accipimus, religionem, observantiam & obedientiam
debemus: ita parentibus ex quibus nati sumus instinctu na-
turali certo modo & ordine eadem præstare obligamur.

LXVII. Inter primâ præterea præcepta secundæ tabu-
læ Decalogi, qui ex naturæ principijs nobis etiam natis edu-
citur & explicatam legem naturæ secundam *Thomam 1. 2. q. 100. art. 1.* continet, primò loco lex posita est, quâ parentibus
de honore à liberis exhibendo cavetur, eamque solam præ
reliquis adjecta poenâ nobis commendat Moyses, dum lon-
gævam vitam promittit parentes honorantibus, & inopi-
nam mortem interminat ijs, qui secus fecerint.

LXVIII. Et Paulus inquit: *Qui pater reddit parentibus
recte facit, & acceptus est Deo 1. Corint. V. item Coloss. III. Auscul-
tate parentibus in omnibus, & Ephes. VI. Obedite parentibus in do-
mino. Iustum enim est, honorari patrem & matrem idq. præceptum
primum omnium habet promissionem.*

LXIX. Viriq; verò parentum tam patri quàm matri
imperium debetur: eam non solum pater, sed & mater tum
ætate tum prudentia antecedit liberos. Quia verò pater est prin-
cipium totius generationis, adeoq; autor vitæ, & ejus cura
atq; sumptu instituitur liberi; quia præterea ætate, pru-
dentia & perfectione uxorem superat & deniq; quoniam
ipsam matrem in auctoritate atq; imperio tenet; hinc mani-
festum est patris imperium merito præferri materno.

LXX. Tria autem tempora in liberis sunt attenden-
da: secundam quæ parentum potestas variatur. Primum
tempus est imperfecti iudicii, dum abest *et ætate*: secun-
dum, perfectioris iudicii sed dum liberi patres manent fa-
miliæ: tertium, postquam ex ea familia exierunt. Im-

perfe-

perfecti iudicii tempore, omnes liberorum actiones imperio parentum subiiciuntur. Regere enim se ipsos per at-
teant nequeunt, ideoque ut sub parentum imperio vivant
ipsa natura exigit.

LXXI. Est tamen eo tempore filius aut filia capax do-
mini ex iure gentium; sed exercitium impeditur ob imper-
fectionem iudicii. Habent ius ut de pueris Plutarchus loqui-
tur *de xxiij. non de xxiij.* Quare ut res omnes liberorum pa-
rentibus acquirantur non naturale est, sed ex quorundam
populorum legibus. *Hugo Gros. de iur. belli ac pacis l. 2. c. 5. n. 2.*

LXXII. Cum vero perfecto iudicio præditi sunt li-
beri ea tantummodo actiones parentibus debentur, quæ
aliquid emolumentum ad paternam familiam conferunt. In
cæteris autem actionibus liberum habet arbitrium quid-
vis agendi, modo ita sunt comparata, ne parentibus di-
spliceant.

LXXIII. Quoniam autem potestas sine coercitione
nihil aliud est quam ludibrium, nec multi liberi dicto paren-
tum auscultarent, nisi metu poenæ sptraherentur: inde usq;
à prima pueritia coactione opus est, & ius castigandi, quate-
nus cogendi sunt ad officia, vel emendandi parentibus tam
iura humana quam divina tribuntur. Homo namque tribus
medijs virtute eruditur: nam vel ratione ducitur, vel metu
cogitur, vel allicitur premio; proinde liberi qui per atatem
ratione uti nequeunt & ij qui quidem secundum rationem
vivunt, tamen sunt paternæ domus, & metu
cogi & munusculis affici debent.

LXXIV. Vnde Salomon dicit: *qui odit filium parcat
virga: qui diligit castigar.* Et Proverb. XXII. 13. *Noli subtrahere
disciplinam à puero.* Senec. l. VI. de benef. cap. 24. *Non vides
quemadmodum teneram liberorum infantiam parentes ad salubri-
tatem patientiam cogant? Flentium corpora, ac repugnantium, di-
ligenti*

Domini
Soto lib. 7.
de iust. &
iure q. 2.
art. 1.

*ligeri cura forent: & ut membra libertas immatura detorqueat,
in rectum exitura constringunt: & mox liberalia studia inculcant,
adhibito timore nolentibus. Adulsum audacem juventam fru-
galitati, pudori, moribus bonis sumparum sequitur, coactam applicant.
Adolescentibus quoque, ac iam potentibus sui, si remedia metuant in-
temperantia reijciunt, vis adhibetur ut servitus.*

LXXV. Ius autem vitæ ac necis parentes, quatenus
parentes ex jure naturæ in liberos non habent. Vitam enim
ipsis non dederunt nec semel ablatam restituere possunt:
eaque potestas omnino patriæ pietati repugnat, quam natura
omnium animis implantavit. Ideoque vitam liberorum pro
arbitrio diripiendam sibi vindicare nequeunt.

Hugo Gro-
tius.

LXXVI. Id tamen parentibus licitum est, ut liberos
interdum naturali jure in servitutem dare possint, si ijs nul-
la alendi copia suppetat, quâ liberos sustentent atque edu-
cent; tum enim ipsa natura id exposcere videtur, cum sine
alimentis quæ parentes liberis naturaliter præstare tenen-
tur, conservari nequeant.

Hugo Gro-
tius.

LXXVII. In tercio verò tempore, quando liberi pa-
terna domo egrediuntur, in omnibus sunt sui juris; manen-
te tamen semper illo pietatis & observantiæ debito, quod
in perpetuum pro vita alimentis & educatione parentibus
debetur.

LXXIX. Atque hæc est ratio subjectionis & imperij
inter liberos & parentes. Sicut autem hæc ex consociatio-
ne quadam fluit naturalis, ita dubitari merito potest, an et-
iam homines porro ex voluntate sua propter societatem,
subjectionem atque impetium queant instituere. Cæterum
quum societatem naturali concessione ipse licitum, sit ho-
minibus, societas autem nulla possit constare sine imperio
& subjectione, apparet, etiam hæc quoque licite constitui
posse. Quapropter etiam videndum quidnam imperij natu-
ra illis societatibus permittat.

LXXIX.

LXXIX. Soler autem vulgo credi, esse aliquod jus in societate majoris partis. Illud autem naturæ esse consentaneum hinc liquet. Nam aut nullum erit Imperium sociorum in se mutuo, aut aliquod jus minoris partis in majorem, aut verò majoris in minorem. Primum repugnat naturæ societatis, ut paulo ante diximus: sed & secundum iniquum est: inde enim colligeretur inferiores posse superioribus naturaliter imperare, quod omnino est absurdum. Id etiam ratum est atque plus valet, quod plurimi approbare videntur *refte Arist. l. 6. Polit. c. 2.* Curtius quoq; lib. x. *Eo, inquit, quod major pars decreveris, stetur.* Cui sententiæ Thucydides, Appianus, Dionysius Halicarnassensis & alij scriptores unanimi consensu applaudunt. *Hugo Gron. de jure nat. p. 1. l. 1. c. 1. n. 17.*

LXXX. Cæterum quum societatum conditio admodum sit varia apparet quoq; imperij & subjectionis socialis rationem non unam esse. Necesse autem est, ut illa sese extendat ad omnia societatis cujuslibet negotia: alioquin enim frustra coisset societas. Etgo etiam quò plura erunt negotia societatis; eò latior quodque erit imperij subjectionisque natura.

LXXXI. Est verò amplissima societas ea quam civilem dicimus; quippe quæ omnes in se reliquas comprehendit. Cum autem scopus civitatis sit vita civium (quoad fieri licet) beata, manifestum quoq; est imperij & subjectionis rationem in civitate longè esse latissimam, atq; pertinere ad omnia sine quibus beata esse societas nequeat, adeoq; ad omnes hominum actiones fortunasque.

LXXXII. Cuinam verò propriè comperat in civili societate imperandi jus ex naturæ præscripto, videtur explicatu perdifficile. Nam humana instituta contemplanti magna diversitas imperiorum civilium objicitur. alibi enim
majestas

majestas omnis penes populum est, alibi penes paucos, alibi penes unum, interdum & divisa est illa multis modis interque varios distributa. Non desunt quoque argumenta quibus & populus & optimates, & divites, & unus aliquis imperium sibi deberi conantur persuadere. prout illa peregre adducit ac solvit *Arist. 3. l. Polit.*

LXXXIII. Caterum ut compendio rem omnem includamus, principio credimus naturali jure illi semper ac merito deferendum Imperium qui ad vitam illam beatam maxime potest cives perducere. Potest autem hoc fieri interdum ab ipso populo, interdum ab optimatibus, interdum ab uno aliquo. Quod si verò contra fiat, est quidem illud primo naturæ institutio adversum, tolerandum tamen majoris mali evitandi gratia. nam & hoc justum, nullas dare turbas si certum inde damnum atque periculum resultabit: tum verò licet cuilibet de jure suo cedere aliquid.

LXXXIV. De minoribus autem magistratibus, qui ipsi jus majestatis non habent, sed tantum administrant rem publicam nomine alterius, res similiter videtur impedita. Statuendum tamen si ex. gr. populo competat majestas, non teneri populum ejus magistratus edictis aut legibus, nisi velit: at singulorum ex populo alia longè est ratio, neque enim penes singulos majestas est sed universos, ideoque magistratus commissi sibi potestate in singulos etiam nolentes licite potest animadvertere.

F I N I S.



99 97 568